

Sa crésia de Santu Brai

Sa crésia, ca s'agatat in sa localidadì Santu Brai, logu de ocasionis stóricas de importu mannu, fiat sa parróchia de sa bidda de Nuraxi ca oi no c'est prus, e s'agatat a pagu chilómetrus de Furtei. Est stétia fata in s'XI séculu a sa manera romanica e pustis aconciada unas cantu bortas.

Una de is campanas prus antigas chi funt me in sa parróchia de Santa Bàrbara benit própriu de Santu Brai e tenit sa scrìta: *Deus Homo Factus Est - Norice - MDXXX* (*Deus s'est fatu ómini - Norce - 1530*). Pustis sa pesti de su 1654 ca iat mortu giai totus a Nuraxi, is chi fiant abarraus fiant andaus a Furtei aguantendu parò bia sa traditzioni de su cultu de Santu Brai. Sa festa si fait su de tres domínigus de austu: su santu postu in unu cóchiu est portau in processioni de sa parróchia a sa cresiedda e torrat sa dí avatu.

Bella meda est sa torrada de su Santu in parróchia acumpangiau de grupus in costumu sardu, tracas e unus cantu fedelis in processioni: sa torrada de su Santu.

